

30. oktober

UKA2018/83

Nalakkersuisut pisussaaffilerneqassasut kingusinnerpaamik UKA/2019-imi aningaasaateqarfirmik pilersitsinissamik siunnersuuteqassasut Kalaallit Nunaanni isumagininnikkut ajornartorsiutaasunik ilisimatusarnissanut, nalilersuinissanut pinaveersaartitsinissanut misissuinissanullu atorneqartussamik. Meeqqat inuusuttullu navianartumik inissisimasut - imaluunniit meeqqat inuusuttullu navianartorsiortinneqarnissaminnut aarlerinartumiittut ilaqutaallu pingaarnerusutigut aningaasaateqarfiup siunertatut siunertarissavaa. Siusinaarluni iliuitsit, aningaasarsionertigut siusinaarluni iliuseqarusulersitsisunik ingerlatinnarlunilu iliuseqarnissat aamma periutsinik nalimmassaanerit, inunnik isumaginninnermi katsorsaanssamik allanillu neqeroorutit aningaasaateqarfirmi ukkatarineqarnerussapput.

Siumumit inuttut atugarissaarneq ikiorneqarnissamillu pisariaqaritsisut ikiorneqarnissaat qulakkeertariaqartut pingaartipparput. Inuiaqatigiit atugarissaarnerat pitsaasoq tassaavoq peqqinnissamut ilinniarnissamut suliffeqarnissamullu atugarisatigut periarfissaqarneq, sumi inissisimaneq apeqqutaatinnagu.

Nunatsinni inuk kinaluunniit atugarisami pitsanngorsartuarnissaanut akisussaaqataavoq.

Siumut isumaqarpoq inunnik isumaginninnikkut sullissinerit ikiorsiisarnerillu tamarmik, naatsorsu-eriaatsit naleqassutsimik aallaaveqartut sakkugalugit, ingerlaavartumik nalilersorneqartariaqartut naleqqussartuarneqarlutillu. Taamaaliornikkut nunatsinni sullinneqartunut tamanut sullissineq pitsaanerpaaq naligiinnerusorlu anguneqassaaq, tamannalu ineriartortinneqassaaq Namminersorlutik Oqartussat kommunillu suleqatigiinnerisigut.

Meeqqanik sumiginnaasarneq akuerineqarsinnaanngitsoq akiorniarlugu pisortanit suliniutit ersarissut ilungersuullugit ingerlateqqinneqassapput, angajoqqaat, meeqqeriviit atuarfiillu suleqatigalugit.

Maannakkut ajornartorsiutaavoq isumaginninnerup iluani ilinniarsimasut illoqarfinni anginerniikkumanerunerat. Taanna atorfinitsitsinermi isumaqatigiissutitigut eqaannerusumik aaqqiiffigisariaqarpoq.

Ilaqtariit inuiaqatigiinni qitiupput tunngavissinneqassappullu meeqqat inuunermi aallartilluarsinnaaqullugit

Siumup Inatsisartut, Naalakkersuisut kommunillu peqatigalugit sulissutiginiarpaa ukiuni aalajangersimasuni meeqqat inuusuttullu atugarisaasa tamakkiisumik pitsanngorsarneqarnissaat, ima ilusilik-kamik:

- Inatsisartut, Naalakkersuisut kommuunillu piffissami 2018-2021 meeqqat inuusuttullu atugarisaannik pitsanngorsaaniarlutik tunngavissanik immikkut suliaqassapput.

- Inatsisartut, Naalakkersuisut kommuunillu ukiuni taakkunani suliniutissat piviusunnigortinnissaannut suleriaasissaminnut pilersaarusiussapput, siunertanullu aningaasaliis-suteqartoqarnissaa qulakkeerneqassalluni.

Suliassaannut ilanngullugit makku pingaartinneqassapput:

- Meeqqat oqaaseqartartuata meeqqat pillugit misissuinerminni saqqummiuttagaasa malit-seqartinnissaat Siumup eqqumaffiginiarpaa.

Siumut isumaqarpoq inunnik sullissinermi sulisorisat tamarmik ataavartumik pikkorissartinneqartarnissaat periarfissaajuartariaqartoq. Taamatuttaaq Siumut isumaqarpoq sullissinermi ilisimasanik katersuiffik kommunini sullissiniarnermi iluaqutaasussaq pilersinneqartariaqartoq.

Isumagineqarnissamik pisariaqartitsisut imminut ikiorsinnaanngorlugit ikiorserneqartarnissaat Siumup politikkerisaa aamma kommunerujussuit siunnerfigisariaqarpaat.

Naalakkersuisut akissuteqaataanni oqaatigineqarpoq periarfissat assigiinngitsut pillugit suliat aallartinneqareersimasut, taamaattumik Naalakkersuisut isumaqatigalugit siunnersuutip itigartinneqarnissaa inassutigaarput.

Oqallilluarisilu

Mala Høy Kuko Siumut